



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1846

CCX. Revers des Friedrich von Alvensleben wegen Verpfändung der
Urbede zu Gardelegen, vom 6. Jan. 1486.

Nutzungsbedingungen

[urn:nbn:de:hbz:466:1-54572](https://nbn-resolving.org/urn:nbn:de:hbz:466:1-54572)

CCX. Revers des Friedrich von Alvensleben wegen Verpfändung der Urbede zu Gardelegen,
vom 6. Jan. 1486.

Ich Friderich von Aluefzleuen, Heinen von Aluefzleuen seligen Son, tzu Ra-
getz, Bekenne, — Alzdann der durch Laucht Hochgeborn Fürst vnnnd Herr, Herr Johans Marg-
graue czu Brandenburg etc. mein gnediger Herr, auf demutige vnnnd vleyzig mein Bete vnd
aufz sonderlichenn gnaden vnd vrfachen sein gnaden dartzu Bewegende, die Orbeten In seiner gna-
denn Stat Gardelegen, Nemlich XXX marck Stendlicher werung, Jerlich auf II frist gefallende
dem Wirdigen vnnnd Andechtigen Herren Johann Abt, Ern Johann prior, Ern Johann Burfar
vnd dem gantzen Conuent des Closters zu Mariendal des Ordens Cisterien vnd Iren nachkomen,
beleggen Im Stift zu Halberstat, fur Tawfend gulden Rinische auf einen rechten widerkauf, nach lawt
seiner gnaden briefs mir zu gut verkauft hat, der ich sein gnaden billich diemutige danckfagung thu,
das ich vnd mein erben obenberurt soliche XXX marck Orbete Inn III Jaren nach Dato dits briues
nest nach einander folgende seinen gnaden widerumb frey machen vnd ablösen sollen vnd wollen alle
Jar soliche XXX mark Orbede Jerlicher Zins felbs, an seiner gnaden erben vnd nachkomen schaden,
getzalen vnnnd aufzrichtenn etc. Des zu mehrer sicheyheit vnd stetter Geltung hab ich obgannter
Friderich von aluefzleuen dem gnanten meinem gnedigen herrn zu rechten warhaftigen Burgen
vnnnd selbstschuldigen gefatzt die gestrenngen Erbarv vnnnd vestenn Herren Hannfen vonn Rochow
Ritter zur Goltzenn, Gebhart vonn Aluenfzleuenn zu Gardeleg, Alte werner von der
Schulenburg zu klotzenn, dittrich vonn der Schulenburg zu Ragetz, Vicke von
Aluefzleuen zu Calue vnnnd Claws vonn Jagow zu Owlofzenn gefessenn etc. — Datum
am tag Trium Regum Anno LXXXVI.

Nach dem kurn. Lehn-Copial-Buche No. XXIV. Fol. 145.

CCXI. Kurfürst Johann genehmigt einen Tausch über Gärten und Acker zu Gardelegen
zwischen Gebhard von Alvensleben und dem Bürgermeister Udo Udonis angestellt,
am 16. Apr. 1486.

Wir Johans, von gotts gnaden Marggraue zu Brandenburg, — Bekennen — das vor vnns
kommen sind vnser Rat vnnnd liebe getrewen Geuerdt vonn Aluefleue vnd vdo vdonis, Burger-
meister zu Gardelege, vnnnd haben vns zuerkennen gebenn, Nemlich wie das Geuerdt von Aluef-
leue drey gartin stuck bey Gardelege, so mann aufz dem magdeburgischenn thore zewcht, von
vnns zu lehn rurend hab. Als hab auch der gemelt vdo vdonis vir stück lands vnd Ackers Im
Grapperdorff bey dem Slos zu Gardelege gelegenn nicht zu lehenn, Sunder als sein angestor-
benn vetterlich erbe, langher in gewehren gehabt vnnnd besessenn vnd sey der Stadt Gardelege Ey-
genthumb: vnd weren defs willens, die gut geinander, die gleichschetzig wern, zu uerwecheln vnd
vmb zu setzenn, vnnnd vnns mit vleifsiger bete angefallen vnsern willen vnnnd volbort dar zu zu-
gebenn, nemlich das die gemelte drey garten stück die Geuerd von Aluefleue von vnns zu lehn
het, vdo vdonis, Ellsen seiner Ellichen hauffrawen iren rechtenn erben vnd nachkomen zu erb als der
Stadt zu Gardelege Eygenthum verschribenn vnd Geuerten die gemelten vir stück lands vnd
Ackers bey dem Slos Gardelege gelegenn von vnns zu lehn gelihenn wurdenn. Als haben wir an-